



ՍՈՒՐՔ ԶԱԿՈՐ ԱՌԱՋՆՈՐԴԱՆԻՍՏ ՄԱՅՐ ԵՄ ԿԵՂԵՅԻ

ԳԻՏ ՏՓՈՂ
24 ՅՈՒՆԻՍ 2018

Կիրակնօրեայ Ընթերցումներ	Էջ 1
Ներքին Կեանքիս Կեդրոնը	Էջ 2

ԵՍԱՅԻ ՄԱՐԳԱՐԷԻ ԳԻՐՔԵՆ (2.5-11)

Եւարդ, ո՛վ տուն Յակոբի, եկուր Տիրոջ լոյսովը քալենք: Որովհետեւ ահա Տէրը լքեց իր ժողովուրդը, Յակոբի տունը, քանի որ անոնք փղշտացիներուն պէս իրենց երկիրը կախարդներով լեցուցին առաջուան նման, եւ օտար ամուսնութիւններով խառնածին զաւակներ ծնան: Իրենց երկիրը ոսկիով ու արծաթով լեցուեցաւ, թիւ չունին իրենց գանձերը. իրենց երկիրը ձիերով լեցուեցաւ, հաշիւ չունին իրենց ռազմականքերը: Երկիրը ձեռագործ գարշելի չաստուածներով լեցուեցաւ. կ'երկրպագեն առարկաներու գորս իրենց մատներով շինեցին: Նուաստացաւ մարդ արարածը, ո՛րքան ստորնացաւ մարդը. մի՛ ներեր անոր, Տէ՛ր: Արդ, գացէք ժայռերու տակ ծածկուեցէք կամ ապաստանարանները մտէք, Տիրոջ ահարկու ներկայութենէն եւ անոր փառաւոր զօրութենէն փախչելու համար, երբոր անիկա գայ երկիրը հարուածելու: Որովհետեւ հիմա Տէրը իր բարձունքէն կը նայի մարդոց խեղճութեան վրայ. բայց այն օրը մարդոց ամբարտաւանութիւնը պիտի խոնարհի եւ միայն Տէրը ի՛նք պիտի բարձրանայ:

... եկուր Տիրոջ լոյսովը քալենք:

Հեթանոսներ, որոնք Աստուծոյ արդարութեան չէին հետեւեր՝ արդարացան, որովհետեւ Քրիստոսի հաւատացին.

«Բայց անոր հաւատացողը յուսախար պիտի չըլլայ»:

ՆՊՂՈՍ ԱՌԱՔԵԱԼԻ
ՀՌՈՄԱՅԵՑԻՆԵՐՈՒՆ ԳՐԱԾ
ՆԱՄԱԿԷՆ
(9.30-10.4)

Նեթանոսներ, որոնք Աստուծոյ արդարութեան չէին հետեւեր՝ արդարացաւ Մովսէսի Օրէնքին միջոցաւ, որ տրուած էր մարդիկը արդարացնելու համար: Ինչո՞ւ: Որովհետեւ չհաւատաց Քրիստոսի, եւ կը կարծէր թէ Օրէնքին գործադրութեամբը պիտի արդարանայ: Ատիկա իսկ պատճառ եղաւ որ գլորին՝ «գայթակղութեան առիթ հանդիսացող քար՝ ին վրայ, այսինքն՝ Քրիստոսի, որուն համար մարգարէութեան մէջ գրուած է. «Ահա ես Սիոնի մէջ կը դնեմ քար մը որ գլորումի առիթ պիտի ըլլայ, ժայռ մը՝ որ գայթակղութեան առիթ պիտի հանդիսանայ: Բայց անոր հաւատացողը յուսախար պիտի չըլլայ»:

Եղբայրներ, սրտանց կը մաղթեմ եւ կ'աղօթեմ, որ Աստուած փրկէ Յակոբի տունը, որովհետեւ կրնամ անոր մասին վկայել, թէ Աստուծոյ հանդէպ նախանձախնդիր է. միայն թէ այդ նախանձախնդրութիւնը

...Քրիստոսով
Օրէնքը իր
լրումին
հասած է
եւ միայն
Քրիստոսի
հաւատացողը
կ'արդարանայ:

հիմնուած չէ՝ Աստուծոյ
ճշմարիտ ծանօթութեան
վրայ: Անիկա չհասկցաւ,
թէ Աստուած ի՞նչ ձեւով
կ'ուզէր արդարացնել
մարդիկը. արդարա-
նալու իր հասկցած
ձեւին կառչեցաւ
եւ ուստի չընդունեց

Աստուծոյ արդարութեան ուղին: Մինչդեռ
Քրիստոսով Օրէնքը իր լրումին հասած
է եւ միայն Քրիստոսի հաւատացողը
կ'արդարանայ:

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՄԱՏԹԷՈՍԻ
(13.24-30)**

Յիսուս ուրիշ առակ մըն ալ խօսեցաւ
անոնց եւ ըսաւ.

«Մարդ մը լաւ սերմեր ցանեց իր արտին
մէջ: Գիշեր մը, երբ ամէն մարդ քնացած
էր, անոր թշնամին եկաւ, որոմ ցանեց
ցորենին մէջ եւ գնաց: Երբ սերմերը
ածեցան եւ սկսան հասկ կազմել, այն ատեն
որոմն ալ երեւցաւ: Տանտիրոջ ծառաները
եկան եւ ըսին անոր. «Տէ՛ր, դուն միայն
լաւ սերմեր չցանեցի՞ր արտիդ մէջ.
ուրկէ՞ հապա որոմը»:

«Ասիկա թշնամիի գործ
է»:

«Կ'ուզե՞ս որ երթանք
եւ որոմը քաղենք»:

«Ո՛չ, - պատասխանեց
տէրը, - որովհետեւ որոմը
քաղած ատեն կրնայ ըլլալ
որ ցորենն ալ միասին

արմատախիլ ընէք: Զգեցէք որ երկուքն ալ
միասին աճին մինչեւ հունձքի ժամանակ,
երբ հնձուորներուն կ'ըսեմ որ նախ որոմը
քաղեն, խուրճեր կազմեն այրելու համար,
եւ ապա քաղեն ցորենը եւ ամբարեն
չտեմարաններու մէջ»:

«Ահաւասիկ ճիշդ ասոր կը նմանի
երկինքի արքայութիւնը»:

Զգեցէ՛ք որ
երկուքն
ալ միասին
անին մինչեւ
հունձքի
ժամանակ...:



**ՈՂՈՐՄՈՒԹԵԱՆ ԿԱՆՉ ՄԸ
ԱՊՈԹԵԱՐ ԴԷԱԸՐԻՒ**

ՀԵՌԵԱՍ՝ ՀԷՆՐԻ ՆՈՒԸՆ

ԹԱՌԳԱՆՈՒԹԻՒՆ՝ ԿԱՐՕ ՄՐԿ. ՆՈՒՆՈՒՏԵԱՆԻ

ՆԵՐՔԻՆ ԿԵԱՆՔԻՍ ԿԵԴՐՈՆԸ

Ով Տէր, կը փառաւորեմ Քեզ, կ'օրհնեմ Քեզ,
կը պաշտեմ Քեզ: Յանախ աղօթքս կը վերածուի
ներգնիչ որոնանքներու՝ առնչուող իմ իսկ
շուարած զգացումներու եւ յուզումներու: Յա-
նախ ինքզինքս կը գտնեմ եսատրտուց աղօթք
արտասանելու ընթացքի մէջ, կամ ուշադրութիւնս
կը թափառի անհանդարտ մտքիս մէջ բնակող
մարդոց եւ եղելութիւններու վրայ: Ով Տէր,
ինչո՞ւ կը յամառիմ այսքան կեդրոնանալ զիս
քեզմէ բաժնող բաներու վրայ: Դուն աղբիւրն
ես ամէն բարութեան, գեղեցկութեան ու սիրոյ:
Ողորումութիւնդ ցոյց տուիր՝ ինձի գալով եւ
զիս բարձրացնելով եկեղեցիիդ կեանքին ընդ-
մէջէն՝ Քու իսկ կեանքիդ մէջ: Բայց տակաւին
կը շարունակեմ ապրիլ այնպէս որպէս թէ միտքս
խնդող հազար միւս բաները ուշադրութեանս
աւելի կը կարօտին:

Օգնէ՛ ինձի այս պայքարին մէջ, որպէսզի
Քեզ ներքին կեանքիս կեդրոնը դարձնեմ: Ինձի
աղօթելու շնորհքը տուր: Յստակօրէն եւ համոզիչ
կերպով ցոյց տուր ինձի, թէ ինչպէ՞ս ինքզինքս
կը խաբեմ, եւ տուր ուժը այս ներքնաբանութեան
հետեւելու: Ամենէն աւելի, ով Տէր, տուր ինձի
հասկնալ, որ մէջդ եւ միջոցաւդ բոլոր փոքր
մտահոգութիւններս պատասխան պիտի գտնեն:
Դուն չես արհամարհեր իմ նեղութիւններս, այլ
ինձմէ կը խնդրես վստահ ըլլալ, որ պիտի զբաղիս
անոնցմով, երբ ես պարզօրէն աչքերս վրադ ու
արքայութեանդ վրայ յառած պահեմ:

Ով Տէր, ինձի համբաներդ սորվեցուր: Ամէն:

(Շարունակելի 2)